

Xiru 2021 : los vesins bascos qu'obreishen las pòrtas

Lo hestau Xiru qu'ei un eveniment organizat per l'associacion Abotia e virat de cap tà **la musica e a la creacion en Bascoat**, qui deisha tostemps ua beròja plaça a las musicas e culturas d'enlòc mei.

Augan que's debana sus **las comunas de Barcus e de Gotein-Libarrenx** deu **27 dinc 29 d'aost** e qu'aurà per tèma « **los bardes de ger e de uei** ».

Bardes de ger, bardes de uei, bardes de doman tanben, si ne'us estacam pas au som d'un arbo ou d'un pòst...Que cantan e contan las petitas istòrias de la grana Istòria. E nosauts, que'us escotam dab gormandèr. Canta, canta tà viver, que sabem que vives entà cantar !

Au demiei deus bardes invitats, que'n trobaram deu Bearn e d'Occitania : Joan-Francés e Jordan Tisnèr que seràn a Barcus lo dissabte 28 a 21h, l'endoman a Gotein, **André Minvielle** que serà de la partida suu pic de mieidia e las vesias tolosencas de **Femouzès** T a 17h30.

Programa sancèr e totas las entresenhas necessàrias :
<http://hebentik.blogspot.com/p/xiru-abotia.html>

